

وفي ذلك فليتنافس المتنافسون | مسابقة حفظ و تفسير سورة

الحجرات | د . حازم شومان

حازم شومان

السلام عليكم ورحمة الله وبركاته. جاي لكم بمفاجأة يا اخواني واخواتي في الله. دورة حفظ وتفسير سورة الحجرات. هتبدأ باذن الله سبحانه وتعالى يوم الاثنين. اللينك موجود مع المقطع. يعني انت باذن الله سبحانه وتعالى تضغط على اللينك هتدخل على الجروب بتاع التليجرام بتاع الاشتراك في هذه المبادرة التربوية العلمية باذن الله سبحانه وتعالى - [00:00:01](#)

على سورة الحجرات يا جماعة تمتناشر اية تمتناشر درجة في الجنة. يعني المسابقة دي بتمتناشر درجة في الجنة بمجرد حفظ هذه السورة. غير فهم القرآن هيعمل في حياتنا ايه قال الله عز وجل والذين يمسكون بالكتاب واقاموا الصلاة انا لا نضيع اجر المصلحين.

الانسان اللي بيتمسك بالقرآن وييمسك - [00:00:21](#)

المجتمع بالقرآن وفي نفس الوقت بيقوم الصلاة وبخلي الناس تقيم الصلاة انا لا نضيع اجر مين؟ المصلحين. هو ده الانسان المصلح في الارض. سورة الحجرات صورة يا جماعة بتنبهنا لقضايا مصيرية ان تحبط اعمالكم وانتم لا تشعرون. ربنا بيحذرك ربنا

بيقول لك انت ممكن تخسر كل حاجة وانت مش حاسس - [00:00:41](#)

ممكن كل اللي بناتيه يتهد وانت مش حاسة. انت ممكن قرار غلط او موقف غلط يضيع حاجات كتير اوي حلوة انت عملتها. خد بالك حافظي على دينك. خاف على دينك خاف. زي ما بتخاف على فلوسك زي ما بتخاف على دنيتك. سورة ربنا سبحانه وتعالى بيقول

اولئك الذين امتحن الله - [00:01:01](#)

قلوبهم للتقوى امتحن واحنا في ماجستير امراض الكلى امتحنونا حوالي تسعة وثمانين امتحان تسعة وثمانين امتحان. عشان يدرك شهادة. طب عشان تاخذ التقوى. عشان ربنا سبحانه وتعالى عشان تبقى ابروفد مش في زمالة بريطانيا - [00:01:21](#)

ولا في بورد امريكا عشان تبقى ابروفت. عشان تبقى معتمد في التقوى. انت عند الله اسمك تقي عند الله. اسمك تقية. محتاج كده امتحان مستعد مستعد تعمل ايه؟ مستعد تقدم براهين قد ايه؟ انك انت فعلا انسان تقي عشان تبقى ماستر او ام دي عشان تاخذ

ماجستير او - [00:01:38](#)

دكتوراه في الطب عشان تقول انك دكتور شاطر بيمتحنوك امتحانات كتير جدا شايقة وعملي. من من كافة الوجوه. عشان بقى تاخذ اعتماد الايمان عند الله الله! انت مستعد تمتحن قد ايه؟ سورة بتقول لك انما المؤمنون اخوة. هو ده كلام يا جماعة. ولا كلام بجد ولا

ده واقع! هو احنا اخوات فعلا! هو احنا حبايب - [00:01:58](#)

فعلا هو احنا في ظهر بعض فعلا هو احنا سند بعض في الدنيا فعلا! يعني انا اخويا اخويا مش هيبقى معه فلوس وانا معييش فلوس وهيسيبي. اخويا مش هيبقى ربنا مديني - [00:02:18](#)

كيلو فتح عليه وصاحب مركز وانا محتاج حد يسندني ويسيبني الاخوات بيقفوا مع بعض. الاخوات سند لبعض الاخوات سند في الصغر وفي الكبر في اتفرقوا في الضراء الاخوات بيقفوا مع بعض في الافراح وفي الاحزان. هو انت اخويا بجد؟ هو انت سندي بجد؟

هو انت عمودي الفقري بجد؟ صورة - [00:02:28](#)

بتقول لك العلاقة بينا ايه والاخلاق العملية شكلها ايه؟ سورة الحجرات بتقول لك قالت الاعراب امنا قل لم تؤمنوا. قالت الاعراب امنا

كل لم تؤمنوا الايمان مش مزاعم الايمان مش كلمات. الايمان مش رغبات الايمان مش هم جواك. الايمان - [00:02:48](#)

عائق اولئك هم المؤمنون حقا بحق وحقيقي. انت عندك حقيقة الايمان. انت ايمانك قشرة وشكل من برة ولا ايمان بحق يحييك كل لم ميمو اللي انت فيه ده مش الايمان لحد ما اخلاقك تتغير انت لسة ما امنتش. لحد ما عباداتك تغير معاملاتك انت لسة ما امنتش -

00:03:08

لحد ما حياتك تتغير بسبب ايمانك انت لسة ما امنتش. سورة جبارة. سورة بتقول لك انما المؤمنون. الذين امنوا بالله ورسوله ثم لم يرتابوا وجاهدوا باموالهم وانفسهم في سبيل الله. انما المؤمنون انما اقوى اداة قصر في اللغة. ثم لم يرتابوا. ما ينفعش ايمان مع شك

00:03:28 -

ما ينفعش ايمان مع قلب متزلزل قدام كل ازمة في الرزق وقدام كل ازمة في الامن وقدام كل ازمة في الحياة ما ينفعش ده مش مؤمن. اللي قاله راكب مرجيحة الدنيا مع احزانه مخاوف الدنيا ده مش مؤمن. وجاهدوا الايمان ما ينفعش معه راحة. المؤمن اللي

00:03:48 مؤمن باول ليلة في القبر -

هيتعب عشان ينجو فيها. اللي مؤمن بخمسين الف سنة وقفة حساب يوم القيامة. مش هينام ويرتاح. وهو عارف ان هو وراه حساب. المؤمن بيشتغل وجاهدوا جاهدوا انفسكم. من اجل فعل اعمال صالحة يستعدوا بها للقاء الله. سبحانه وتعالى صورة جبارة.

00:04:08 اخر كلمة فيها والله بصير -

بما تعملون. انت بتراقب. انت بتراقب من الله من فوق سبع سماوات. ربنا بصير. كل اللي انت بتعمله تحت سمع الله وبصره. صورة غير حياتك. صورة هتغير حياتنا وهتغير افكارنا. وهتغير معاملاتنا وهتغير اخلاقنا يعني بتركز على قضية الاخلاق. والمعاملات اللي

00:04:28 هي اكتر -

قضية عادت مفقودة عندنا في المجتمعات الاسلامية للاسف الشديد. ان شاء الله بازن الله يوم الاثنين هتبدأ دورة سورة الحجرات. حفز وتفسير سورة الحجرات جروب اللينك بتاعه موجود مع البوست بتاع المقطع بازن الله سبحانه وتعالى الجروب ده آآ اللي

00:04:48 هتدخلوا عليه هينزل لكم عليه كل شوية -

الدرس بتاع سورة الحجرات التفريغ بتاعه للي عايز يقرأ بقى ويركز افكاره آآ ممكن كمان ملخصات اسئلة تنشيطية عشان لما تدخل

00:05:08 الامتحان وتدخل الامتحان تبقى جاهز بازن الله. رابط الصوت -

بتاع الدرس ورابط الفيديو للي عايز يتفرج عليه فيديو. الصوت للي عايز يتفرج عليه صوت يعني بازن الله سبحانه وتعالى دورة آآ مخدمة للناس اللي عايزة تقرب من كتاب ربنا. والذين -

00:05:22

يمسكون بالكتاب واقاموا الصلاة انا لا نضيع اجر المصلحين وان كادوا لا يفتنونك عن الذي اوحينا اليك. اهل الباطل كل قصتهم ازاي يقطعوا بينا وبين القرآن. لانهم فاهمين ان القرآن هو سر قوتنا. القرآن سر تربيتنا. القرآن سر روحنا المعنوية. القرآن ده هو الروح

00:05:32 يوقد ومن -

سورة المباركة الوقود بتاعنا الطاقة الانرجي بتاعتنا كلها مصدرها كتاب الله. عشان كده لا تسمعوا لهذا القرآن والغوا في لعلكم تغلبون لو قدرتم تلغوه من حياة المتدينين هتكسبوا. عشان كده الله سبحانه وتعالى يقول في سورة الحج سبحانه وتعالى من كان يظن ان لن

00:05:52 ينصره الله -

اللي من اهل الباطل فاكر ان ربنا مش هينصر النبي ومش هينصر اهل الدين. من كان يظن ان لن ينصره الله في الدنيا والاخرة فليمدد بسبب الى السماء ثم ليقتل -

00:06:12

لو قدرتم تقطعوا ما بين المتدينين وبين القرآن هتنتصروا على الدين. لو قدرتم تقطعوا ما بين اهل الدين واهل الدعوة وما بين القرآن هتنتصروا عشان كده والذين يمسكون بالكتاب هم عايزين يقطعوا بينكم وبين القرآن. عايزين يلغوا والغوا في العلاقة بينكم وبين

00:06:23 القرآن -

وربنا بيقول انه لقول فصل وما هو بالهزل. مش عايزين علاقتنا بالقرآن تبقى علاقة هزلية. عايزين علاقتنا بالقرآن تبقى علاقة فاصلة في حياتنا. كل اية في كتاب ربنا شعار نوراني فاصل في حياتنا بيخليكي تفصلي بيخليك تاخذ قرار بالفصل للدين والفصل لحياة

الدين والفصل لطريق - 00:06:43

ربنا سبحانه وتعالى موعدا مع هذه الدورة المباركة دورة سورة الحجرات استعدوا كلمي كل اخواتك كلم كل اخوانك يلا يا جماعة نجاهد من اجل وصل امة بالقرآن والذين يمسون بالكتاب. الدنيا كلها تمسك المصحف بسببنا. الدنيا كلها تبات تصلي قيام ليل -

00:07:03

الدنيا كلها تفهم معاني ثلاث صفحات قرآن في سورة الحجرات بسببنا. الدنيا كلها ترتبط بالقرآن وحفظ القرآن وفاهم القرآن بسببنا. يلا يا جماعة عشان من المصلحين عند الله سبحانه وتعالى نمسك الشباب بالقرآن. ونمسك البنات بالقرآن ونمسك الامة بالقرآن وفي نهاية

المسابقة باذن الله. بنعمل بقى حفلة وبنعمل - 00:07:21

تكريم وشهادات تقدير للاوائل. باذن الله على الصفحة الرسمية للفييس. ده هي ان شاء الله وعلى قناة التليجرام. سبحانه اللهم

وبحمدك. اشهد ان لا اله الا انت. استغفرك واتوب اليك جزاكم الله خيرا - 00:07:41